




ԵԿԵՂԵՑԱԿԱՆ ԲԵՄ. ԼՈՒՐԵՐ

Հունվարի 28-ին, կիրակի.—Այսօր Մայր տաճարում ա. պատարագ է մատուցում տ. Թորգոմ վրդ. Մուշեղյանը և «Հայր մեր»-ից առաջ քարոզում՝ «Տէր լոյս իմ և կեանք իմ ես յումմէ երկեայց, Տէր ապաւեն կենաց իմոց ես յումմէ թողացայց» (սաղմոս) բնաբանով:

Ա. պատարագին ներկա էր Վեհափառ Հայրապետը:

• •

Հունվարի 31-ին, չորեքշաբթի.—Այսօր, երեկոյան, Վեհաբանում տեղի ունեցավ միաբանական հերթական հաւաքոյթ, որի ընթացքում զեկուցեց Ստեփանոս սրկ. Զաքարյանը՝ մահվան և անմահության գաղափարը Նոր Կտակարանում ու Պատուհի երկերում թեմայի շուրջ:

• •

Փետրվարի 1-ին, հինգշաբթի.—Այսօր, երեկոյան ժամը 17-ին, հրաժեշտ առնելով Վեհափառ Հայրապետից և Մայր Աթոռից, շուրջ տասը օր ուխտավորաբար Մայր Ա-

թոռում գտնվելուց հետո, Փարիզ՝ իր պաշտոնատեղին մեկնեց Արևմտյան Եվրոպայի հայրապետական պատվիրակի փոխանորդ տ. Գյուտ եպս. Նազգաշյանը:

Սրբազան հորը Երևանի օղանավակալանում ճանապարհեցին տ. Մյուտոն և տ. Առաքել աբեղաները:

• •

Փետրվարի 4-ին, կիրակի.—Այսօր Մայր տաճարում իր անդրանիկ ա. պատարագն է մատուցում տ. Մյուտոն արք. Գրվրգյանը և «Հայր մեր»-ից առաջ քարոզում՝ «Ի՞նչ թեզ Տէր յուացայ, զի մի ամաչեցից յախտեան» (սաղմոս) բնաբանով:

Հավարտ ա. պատարագի, Վեհափառ Հայրապետի նախագահությամբ, կատարվեց հոգեհանգստյան պաշտոն նորոգ հանգուցյալ ս. Մկրտիչ ավագ քհն. Մկրտչյանի և հայտնի քանդակագործ ու նկարիչ Երվանդ Քոչարի հոգիների համար:

Այնուհետև Վեհափառ Հայրապետը Վեհաբանում ընդունեց երկու հանգուցյալների հարազատներին և սուրբ Հոգով մխիթարեց նրանց:

*
* *

Փետրվարի 7-ին, չորեքշաբթի.—Այսօր, երեկոյան, Վեհաբանում տեղի ունեցավ միաբանական հերթական հավաքույթ, որի ընթացքում նախ քննարկվեց տ. Մյուտոն արեղայի մատուցած անդրանիկ պատարագի և ոխտի քարոզը: Այդ մասին Վեհափառ Հայրապետը և ներկաները իրենց կարծիքներն ու տպավորությունները հայտնեցին:

Այնուհետև զեկուցումով հանդես եկավ վերջերս Քինգսթոնից (Յամայկա) վերադարձած տ. Արսեն եպ. Բերբերյանը, որը հանգամանորեն խոսեց ԵՀԽ-ի այս տարվա գործունեության և հետագա ծրագրերի մասին:

*
* *

Փետրվարի 11-ին, կիրակի.—Այսօր Մայր տաճարում իր անդրանիկ ա. պատարագն է մատուցում տ. Առաքել արք. Գալաչյանը և «Հայր մեր»-ից առաջ քարոզում՝ «Ամենատարբեր Երրորդություն, հաս ռեզուլտատն ծառայից քոց, լեր օգնական ազգիս հայոց» (մաղթանք) քննարանով:

Ս. պատարագին ներկա էր Վեհափառ Հայրապետը:

*
* *

Նույն օրը Մայր Աթոռ ժամանեց Փարիզի ա. Հովհաննես Մկրտիչ եկեղեցում ծառայող, Մայր Աթոռի միաբան տ. Գրիգորիս վրդ. Բունիաթյանը:

*
* *

Փետրվարի 13-ին, երեքշաբթի.—Նախատոմսակ:

Այսօր, երեկոյան ժամը 17-ին, հավարտ ժամերգության, կատարվում է նախատոմսակը Տեառնընդառաջի, Քրիստոսի քառասնօրյա տաճար գալստյան տոնի, և ապա տեղի է ունենում անդառառանի արարողություն՝ Վեհափառ Հայրապետի նախագահությամբ:

Ժամը 19.30-ին հոգևոր ճեմարանի հանրակացարանի բակում բոցավառվում է ավանդական խարույկը, որի շուրջ տեղի են ունենում ուսանողության երգ ու պար:

Ժամը 20-ին միաբանական սեղանատանը տրվում է ավանդական ճաշ, որին ներկա էին ողջ միաբանությունը, հոգևոր ճեմարանի դասախոսական կազմը և ուսանողությունը:

*
* *

Փետրվարի 14-ին, չորեքշաբթի.—Տեառնընդառաջ. Տոն քառասնօրեայ գալստեանն Քրիստոսի ի տաճարն:

Այսօր Մայր տաճարում ա. պատարագ է մատուցում տ. Արտակ քհն. Սիմոնյանը:

*
* *

Նույն օրը, երեկոյան, Վեհաբանում տեղի է ունենում միաբանական հերթական հավաքույթ, որի ընթացքում նախ քննարկվում է առնվում տ. Առաքել արք. Գալաչյանի ոխտի անդրանիկ պատարագն ու քարոզը, ապա զեկուցումով հանդես է գալիս՝ վերջերս Փարիզից ժամանած Մայր Աթոռի միաբան տ. Գրիգորիս վրդ. Բունիաթյանը և ամփոփ ներկայացնում ֆրանսահայ գաղութի եկեղեցական-ազգային, կրթական կյանքը:

*
* *

Փետրվարի 18-ին, կիրակի.—Այսօր Մայր տաճարում ա. պատարագ է մատուցում տ. Գրիգորիս վրդ. Բունիաթյանը և «Հայր մեր»-ից առաջ քարոզում՝ «Եթե ոք ծարաի իցե, եկեցե առ իս և արբցե» (Հովհ. Է 37) քննարանով:

Ս. պատարագին ներկա էր Վեհափառ Հայրապետը:

*
* *

Փետրվարի 21-ին չորեքշաբթի.—Այսօր, Վեհափառ Հայրապետի կարգադրությամբ, Փարիզ մեկնեց տ. Առաքել արք. Գալաչյանը՝ շարունակելու իր ուսումը տեղի աստվածաբանական համալսարանում ու միաժամանակ ծառայելու նույն քաղաքի հայոց եկեղեցիներից մեկում՝ գերաշն. տ. Սերովքե արքեպիսկոպոսի կարգադրությամբ:

*
* *

Նույն օրը, երեկոյան, Վեհաբանում տեղի է ունենում միաբանական հերթական հավաքույթ, որի ընթացքում քննարկվում է Գրիգորիս վարդապետի՝ կիրակի օրվա քարոզը:

*
* *

Փետրվարի 22-ին, հինգշաբթի.—Այսօր, Վեհափառ Հայրապետի հրավերով, Մայր Աթոռ է այցելում «Նաիրի» թերթի խմբա-

գիր, գրող Անդրանիկ Ծառուկյանը, որը Բեյրութից Երևան էր ժամանել փետրվարի 21-ի երեկոյան:

Երևանի օդանավակայանում հարգելի հյուրին դիմավորում է Դերենիկ սրկ. Սալանը:

* *

Փետրվարի 23-ին, ուրբաթ.—Այսօր, երեկոյան, Վեհարանում, Վեհափառ Հայրապետի նախագահությամբ, գումարվում է Գերագույն հոգևոր խորհրդի հերթական նիստը:

* *

Փետրվարի 25-ին, կիրակի.—Բուն Բարեկենդան.

Այսօր Մալր տաճարում, փակված խորանի առաջ, ս. պատարագ է մատուցում տ. Եղիշե քին. Բաղրամյանը:

«Հայր մեր»-ից առաջ քարոզում է Վեհափառ Հայրապետը՝ «Սէր անուն Յիսուս, սիրով քով ճմլեա, սիրտ իմ քարեղէն» (Ն. Շնորհալի) քնարանով:

* *

Նույն օրը, ս. պատարագից հետո, հոգևոր ճեմարանի ուսանողները եռօրյա պլատույտի մեկնեցին դեպի Ծաղկաձոր:

* *

Փետրվարի 28-ին, չորեքշաբթի.—Այսօր, երեկոյան, Վեհարանում տեղի է ունենում միաբանական հերթական հավաք, որի ընթացքում Վեհափառ Հայրապետը խոսում է Վերածնության դերի մասին քաղաքակրթության զարգացման գործում:

Վերջում Վեհափառ Հայրապետը քարեհաճում է պատասխանել միաբանների հետաքրքրող հարցերին:

